

MA GALO

FAAFIN

الرسالة



RASMIGA AH

الرسالة

JAMHUURIYADDA DIMOQRAADIGA SOOMAALIYA

الصومال الديموقراطية

Sannadka 9aad Muqdisho 1 Jannaayo 1981. Lr. 1

FAAFINTA BIL SOO BAXA

درجه تسويقية

Laanta Faafinta Rasmiga ah ee Mudaxtooyada J.D.S.

OHIMAHA : waa 5 shilin lnmbar walba RUKUNKA : Sanalkii waa Sh. 100 Soomaaliya
 uudaheeda — djbedana waa Sh. So, 300, Rukunka la weydiisto waqtiga loo gooyey wuxuu
 bilaabmaa 1 Janaayo Qiiimaha qorotaanka F. R, halkii sadar iyo waxii ka ya'i waa 2
 ba Sh. — Rukunka iyo qoritaanku waxaa la weeydiistaa Laanta Maamulkà Fàafintà Rasmiga
 ah — Lacagta waxaa lagu bixinayaa Xafiiska Canshuurahà ee Wàsààràddà Lacagta

KOOBNIIN

QAYBTA

KOWAAD

SHARCI

SHARCI L. 1 ee 13Jennaayo 1980, Dhismaha Warshadda Habka Cusub D/Hoose ee Xamar.

SHARCI L.2 ee 4 Disember 1980, Gunnooyinka lagu qaadanayo Jagoooyinka kala duwan.

QAYBTA

LABAAD

XEER

XEER MADAXWEYNAHA JDS, L. 1 ee 1 Nof. 1980, Magacaabid Guddoomiye ku xigeen MDB, J/le G/Sare Maxamed Dhaqane.

XEER MADAXWEYNAHA JDS, L. 2 ee 3 Dis. 1980, Oggolaansho Heshiis Abuuraya Ururka Carbeed ee Macaadinta.

QAYBTA

3AAD

TALOOYIN ISGAARSIIIN OGEYSIIS IYO WIXII, Madbacadda Qaranka

XEER WASAARADDA H. GUUD, L. 3 ee 28 Luulyo 1980, Cad dhul Dawladeed oo ku yaal Deg. Waaberi oo loo hibee- yey Jaallayaasha Caasha Cali Warsa- me yio Faadumo Cali Warsame kuna fadhiya mq.288.	»	20
XEER WASARADDA H. GUUD, L. 4 ee 28 Maarso 1980, Siismo dhul Dawladeed oo la siiyey Masjidka «Sheekh Cabdul- qaadir» kuna yaal Muqdisho Degmada Xamar-Weyne kuna fadhiya mq. 1.300/=	»	22
XEER WASAARADDA H. GUUD, L. 5 ee 8 Dis. 1980, Dib u habeynta Sicirka Dharka Warshadda Dharka soo saar- ta.	»	25
QAYBTA TALOOYIN ISGA/SIIS OGE/IS IYO WIXII LA MID AH.	SADDEXAAD	
MAXKAMADDA G. BANAADIR, 15.12.80, Jeeg war. ee Lumay L. 503840, ku qoran Sh.So.9.000/= uu leeyahay Cab- duraxmaan Cabdullaahi Xaashi L. 1,	»	26
MAXKAMADDA G. BANAADIR, 9.12.80, Lumid Jeeg War. L. 242212, ku qoran Sh.So. 43.355/= ay lahayd Wakaalad- da Ganacsiga Ummadda.	»	27
MAXKAMADDA G. BANAADIR, 29.11.80, Lumid Buug Keyd L.9895 ku qoran Sh.So. 4.447/= u lahaa Maxamed Aa- dan Mayle L.3	»	28
MAXKAMADDA G. BANAADIR, 25.11.80, Lumid Buug keyd L. 15.191 ku qoran Sh.So. 12.885/= ay leedahay Sahra Muunye Qaasim L. 4	»	29
MAXKAMADDA G. J. HOOSE, 13.11.80, Lu- mid Jeeg War. L. 178680 ku qoran Sh. So. 1.200/= u leeyahay Xaaji Xuseen Cumar L. 5	»	30
SHIRKADDA ALLAMAGANS. OGEYSIIS ISU YEE- RID SHIR CAADI AH IYO MID AAN CAADI AHAYN:		

QAYBTA

SHARCI

KOWAAD

SHARCI, L. 1 ee 13 Jen. 1980, Dhismaha Warshadda Habka Cusub D/Hoose ee Xamar:

ISAGOO ARKAY : Dastuurka Jamhuuriyadda Dimoq-raadiga Soomaaliya;

ISAGOO ARKAY : Xeer lamb. yahay 46 ee 16.9.1979, kaasoo lagu dhaqan geliyey Dastuurka JDS;

ISAGOO ARKAY: Xeerka lamb. yahay 28 biis ee 21-2-1976 iyo wax ka beddelaadda ka dambeysa ee lagu maamulio shaqaalaha D/Hoose ee Muqdisho;

ISAGOO TIXGELIYHEY kaalinta Warshadda habka cusub ay kaga aaddan tahay xagga horumarinta shaqaalaha D/Hoose ee Muqdisho;

ISAGOO U ARKAY : lagama maarmaan in warshaddahabka cusub ee lagu soo wareejiyey D/Hoose loo sameeyo sharci la xiriira dhismaheeda, isla markaasna la waafajivo dhismaha qaabka shaqaalaha D/Hoose ee Muqdisho, ee lamb.yahay 28 biis ee 21.2.1976;

ISAGOO TIXGELIYHEY : Talo jeedinta Duqa Magaalada Muqdisho ee ku saabsan dhismaha warshadda habka cusub.

WUXUU SOO SAARAY XEERKA SOO SOCDA:

Qodobka 1aad

DHISMAHA WARSHADDA

- 1) laga bilaabo maalinta Madaxweynaha saxiixo, waxaa sharcigan loo aqoonsan doonaa sharci-gii dhismaha warshadda habka cusub ee D/Hoose. taasoo ka mid ah warshadaha D/Hoose, waxayna maamul ahaan hoos timaadaa qaybta Maaliyadda iyo Warshadaha D/Hoose.
- 2) Warshadda waxaa lagu maamuli doonaa sharcigan iyo Xeer nidaamiyaha Guddiga Maamul-ka D/Hoose ee lamb. yahay 83 ee 18.10.78 iyo Xeerka lamb. yahay 28 biis ee 21.2.1976 iyo wax ka beddeliildii ka dambeysay ee lagu dhaqo shaqaalaha D/Hoose ee Muqdisho.

QODOBKA 2AAD

Warshaddu waxay yeelan doontaa Guddi maamul oo u xil saaran fulinta dhammaan hawlaha la xiriira socodsiinta warshadda, Magacaabidda Guddi maamulka ee warshadda iyo xaddadaadda awoodooda sharci ahaaneed, waxaa lagu soo saari doonaa Xeer nidaamiye u gaar ah.

Qodobka 3aad

XARUUNTA & LAAMAHAWARSHADDA

Xaruunta Warshaddu waxay ahaan doontaa Magaalada Muqdisho, waxayyna laamo ku yeelan kartaa Gobollada iyo Degmooyinka JDS haddii ay lama huраан u noqoto danta warshadda.

QODOBKA 4AAD

UJEEDDO WARSHADDA

Ujeeddooyinka asaasiga ah ee loo abuuray Warshadda waa kuwan hoos ku qoran:

- 1) In ay asaas u noqoto, horumarinta ka dhaliso xagga farshaxanka dhar tolidda Magaaladan Muqdisho.
- 2) In ay soo iibsato alaabta Ceeriin ee lagama maarmaanka u ah tolliinka dharka, galuusyo, dun, jinyeero iyo wax allaale wixii qalab wax soo saar ah, taasoo ku xirnaan doonta baahida Warshadda.
- 3) In ay siiso mudnaansho gaar ah tolliinka Unifoomka Shaqaalahaa Dawladda iyadoo tixgelineysa hadba dalabaadka iyo ballan qaadyada lacageed is-raacsan ee ka yimaada Hay'adaha Dawladda.
- 4) In ay ku dadaasho soo saaridda dhar bilic-san oo qiimo jaban ee waxtar u leh dadweynaha.

Qodobka 5aad

A W O O D D A

Warshaddu waxay leedahay iyadoon ku xad gudbin siarcigan iyo shuruueda kaleba awood ay ku fulin karto ujeeddooyinka ku xusan Qod. 4aad ee Sharigan.

Qodobka 6aad

KORMEERKA GUUD

- 1) Warshaddu waxay hoos timaadaa D/Hoose ee Muqdisho, waxaana Kormeerkeda yeelan doona Duqa Magaalada Muqdisho oo awood buuxda u leh xagga jaangooyideeda (qorshaha), horumarinta, dhaqaalaha iyo heshiisyada ganacsiga oo ay warshaddu galayso.

Qodobka 7aad

HABKA DHISMAHA WARSHADDA

Warshaddu waxaa u madax noqon doona Agaasimaha, isla markaana ka koobnaan doonta, xubno, laammo iyo Faracyo fuliya hawsha ballaaran oo ay warshadu u xil saaran tahay.

Qodobka8aad

MAGACAABIDDA XILKA

- 1) Agaasimaha ivo Shaqaalaha oo darajadoodu **tahay (A iyo B)** waxaa lagu magacaabi doonaa Xeer uu soo saxiixay Madaxweynaha JDS, isagoo dhegeystay tala jeedinta Duqa Magaalada Muqdisho.
- 2) Shaqaalaha darajadoodu tahay (C iyo D) waxaa lagu magacaabi doonaa Xeer uu saxiixay Duqa Magaalada Muqdisho, isagoo dhagaysstay tala jeedinta Ku/ha Duqa Magaalada ee Qaybta Maaliyadda iyo Warshadaha.

Qodobka 9aad

XILKA AGAASIMAH

- 1) Agaasimaha wuxuu u xil saaran yahay isagoo matalaya Warshadda in uu fuliyo ujeeddooyinka ku xusan Qod. 4aad ee Sharcigan. hawshii-suna waxay u qaybsantaa.
 - b) wuxuu mas'uul ka yahay habka maamulka Shaqaalaha Warshadda.
 - t) wuxuu mas'uul ka yahay Maamulka lacagta Warshadda.
 - j) In uu ku dhaqaaqo wixii qaraar deg deg ah, isla markaasna ogeysiinaya Duqa Magaalada iyo Ku/ha Duqa Magaalada ee Maaliyad-da iyo Warshadaha ee Warshaduhu hoos timaado.
 - x) In uu bixiyo wixii amar laga maarmaan ah, si hawsha la xiriirata maamulka Guud iyo xisaabaadkuba ay ugu socdaan habka wa-naagsan.
 - kh) In uu fuliyo hawl maalmeedka caadiga ah ee Warshadda.
 - d) In uu fuliyo hawl maalmeedka aan caadiga ahayn, isagoo oggolaasho qoraal ah ka hays-to Duqa Magaalada Muqdisho.
- 2) Marka Agaasimuhu ka maqan yahay warshadda ama ay jiraan asbaabo ka reebaya gudasha-da xilkiisa, waxaa hawsha sii fulin doona sarkaal ka tirsan shaqaalaha D/Hoose oo uu magacaabay Duqa Magaalada Muqdisho.

Qodobka 10aad

XUQUUQDA QAYNUUNIGA & DHAQAALE EE WAR.

- 1) Qaabka gaar ahaaneed iyo tirada shaqaalaha ka shaqeyn doona warshadda waa kuwa ka muuqda lifaaqa halkan ku xiran oo yeelan doona astaan sharci.

- 2) Xuquuqda qaynuuniga ah iyo tan shaqada ee Agaasimaha, Xubnaha, Xeerka lamb. yahay 28 biis ee 21.2.1976 iyo wax ka beddelaaddii ka dambeyssay ee lagu dhaqo shaqaalaha D/Hoose Muqdisho.

Qodobka 11aad

HATIDA WARSHADDA

Hantida Warshaddu waxay ka kooban tahay wax alla wixii hanti ah ee ka kooban guurto iyo ma guurto ee hadda warshaddu leedahay;

- 1) Wixii kaalmo ah oo ay warshadda u fidiyaaqan Hay'ado gudaha ama caalami ah.

Qodobka 12aad

MIISANIYADDA WARSHADDU

- 1) Xisaabta sannadka;
XISAABTA SANNADKA WAXAY KA BILLAA-BANAYSAA: 1da Jannaayo, waxayna ku dhammaanaysaa 21ka bisha Diseember ee sannad walba.
- 2) MIISAANIYADDA SOCOTA:
Agaasimuhu marka ay tahay 30ka bisha Oktober ama inta ka horreysa waa inuu isku dubbaridaa miisaaniyadda qiyaasta sannadka soo socda, isagoo faahaafhinaya, kuna muujinaya lacagta soo geli doonto ama ka bixi doonta warshadda sannadka soo socda, wuxuuna soo hor dhigi doonaa Duqa Magaalada Muqdisho, si uu u waafajiyo hab raaca la xiriirsan oggolaanshadeeda.
- 3) XIRITAANKA MIISAANIYADDA:
Agaasimuhu marka ay tahay 31ka Maarsu ama inta ka horreysa ee sannad walba, waa in uu

isku duubariiddaa xiritaanka miisaaniyadda ee sannadka la soo dhaafay isagoo isku hagaaji-naya warshadda uuna soo hordhigo.

Qodobka 13aad

A M A A H

Warshaddu si ay u gudato waajibaadka ku tilmaaman Qod. 13aad ee sharcigan, waxay qalab ama lacag ka amaahan kartaa hay'ado caalami ah ama Bankiyada gudaha ee dalka JDS.

Qodobka 14aad

HABKA XISAABAADKA

Xisaabaadka Warshadda waxaa xukumaya oo laga baari doonaa habka u degsan xisaabaadka Wakaalada-ha iyo Warshadaha Dawladda.

Qodobka 15aad

Sida uu qabo qod. 17aad, Xeerka lamb. yahay 28 biisee 21.2.76 Agaasimaha iyo shaqaalaha kale ee ka hawl qabta warshadda ma geli karaan ganacsiga amase farsamoojin lid ku ah danaha warshadda iyo tan D/Hoose ee Muqdisho.

Qodobka 16aad

X E E R K A G U U D

Madaxweynaha JDS, wuxuu awood u leeyahay in isagoo dhagaystay tala jeedinta Duqa Magaalada Muqdisho, uu soo saaro Xeer nidaamiye habeya Warshadda si looga hor tago dhibaatooyinka ka imaankara waxyaabo aan sharcigan ku sheegnay.

Qodobka 17aad

T I R T I R I D

Sharci ama Xeer kasta ee sharciga ka soo hor jeeda ama aan la socon karin waa la baabi'iyey.

Qodobka 18aad
DHAQAN GELID

- 1) Sharcigan wuxuu dhaqan galayaa marka uu saxiixo Madaxweynaha JDS, waxaana lagu soo saari doonaa faafinta rasmiga ah ee JDS.
- 2) Sharcigan wuxuu ka mid noqon doonaa sharciyada rasmiga ah ee Dalka JDS.
- 3) Qof walba waa in uu dhowraa oo tixgeliyaa, kuna qasbaa dadka kale in ay dhowraan sharcigan.

Muqdisho, 13 Jen. 1980

MADAXWEYNAHA, J.D.S.

Jaalle S/Gaas Maxamed Siyaad Barre

JAMHUURIYADDA DIMOQRAADIGA SOOMAALIYA

DOWLADDA HOOSE EE XAMAR

QAABKA DHISMAHA IYO MEELE EYNTA WARSHADDA H. CUSUB

J. Lam.	Dhismaha & Jagada	Qaybin	Darajo	Sargoyn
41213	Agaasime	Maamul	A3	1
41214/215	Kormeer Guud	Maamul	B8	2
41216/219	Karraani	Wax Qorid	C	4
41220	Adeege	Shaaqi Hoose	D	1

XUBINTA FARSAWADA EE HAWLAHA GUUD

41221	Madaxa Xubinta Farsawada	Maamul	A5	1
41222	Karraani	Wax. Qorid	C	1
41223/224	Karaani	Shaaqi Hoose	D	2
41225/226	Nadiifiye	Shaaqi Hoose	D	2
41227	Madaxa Laanta Farsawada	Maaaamul	A6	1
41230/231	Madaxa Faraca/sha	Maamul	B8	4

41232	Madaxa Faraca Feerooyinka	Maamul	B8	1
41233	Madaxa Faraca Korontada	Maamul	B8	1
41234	Madaxa Laanta Bakhaarada	Maamul	A6	1
41235/238	Bakhaar Haye	Maamul	C	4
41239/240	Adeege	Shaaqi Hoose	D	2
41241	Madaxa Laanta Makiinadaha	Maamul	A6	1
41242	Madaxa Faraca Makiinadaha	Maamul	B8	1
41243	Madaxa laanta Jaangooyada	Maamul	A6	1
41244/263	Farsamo-yaqaano kala duwan	Farsamo	F1	20
41264/288	Farsamo-yaqaano kala duwan	Farsamo	F2	25
41289/318	Farsamo-yaqaano kala duwan	Farsamo	F3	30
41319/338	Xirfadlayaal kala duwan	Xirfad	X1	20
41339/363	Xirfadlayaal kala duwan	Xirfad	X2	25
41364/393	Xirfadlayaal kala duwan	Xirfad	X3	30
41394/428	K. Xirfadlayaal	K/X.	K/X.	35

XUBINTA FARSA MADA HAWEENKA

J. Lam.	Dhismaha & Jagada	Qaybta	Darajo	Sargoyn
41429	Madaxa Xubinta F. Haweenka	Maamul	A5	1
41430/431	Karaani	Wax Qorid	C	2
41432	Adeege	Shaaqi Hoose	D	1
41433	Madaxa Laanta F. Cawda IWM.	Maamul	A6	1
41434	Madaxa Faraca Makiidaha	Maamul	B8	1
41435	Madaxa Faraca Funaanadaha	Maamul	B8	1
41436/445	Farsamo-yaqaano kala duwan	Farsamo	F1	10
41446/460	Farsamo yaqaano kala dcwan	Farsamo	F2	15
41461/480	Farsamo-yaqaano kala duwan	Farsamo	F3	20
41481/490	Xirfad-layaal kala dcwan	Xirfad	X1	10
41491/505	Xirfad-layaal kala duwan	Xirfad	X2	15
41506/525	Xirfad-layaal kala dcwan	Xirfad	X3	20
41426/550	K/K. kala duwan	K/X.	K/X.	25

XUBINTA XISAABAADKA & SHAQAALAHAA

41441	Madaxa Xubinta X. iyo Shaq.	Maamul	A5	1
41552/554	Karraani	Wax Qorid	C	3
41555	Adeege	Shaaqi Hoose	D	1
41556	Madaxa Laanta Xisaabaadka	Maamul	A6	1
41557	Madaxa Faraca Xisaabka	Maamul	B8	1
41558	Madaxa Laanta Shaqaalaha	Maamul	A6	1
41559/561	Karraani	Wax Qorid	C	3
41562	Adeege	Shaaqi Hoose	D	1

XUBINTA GANACSIGA WARSHADDA

41563	Madaxa Xubinta Ganacsuga	Maamul	A5	1
41564/566	Karaani	Wax Qorid	C	3
41567	Adeege	Shaaqi Hoose	D	1
41568	Madaxa Laanta Ganacsiga	Maamul	A6	1
41569	Madaxa Faraca Ganacsiga	Maamul	B8	1
41570/571	Karaani	Wax Qorid	C	2
41572	Adeege	Shaaqi Hoose	D	1

SHARCI L. 2 ee 4 Dis. 1980, Gunnooyinka
lagu qaadanaayo Jagcooyinka kala duwan

MADAXWEYNAHA

ISAGOO ARKAY: Xaashida 1aad, tan 2aad iyo taati
3aad ee Kacaankii 21ka Oktoobar 1969kii;

ISAGOO ARKAY: Sharciyada Lamb. 17,18, iyo 19 ee
1da Luuliyo 1976 ee ku saabsanaa la wareegiddii
XHKS uu la wareegay xukunka iyo awoodda maa
mulka dalka;

ISAGOO ARKAY: Dastuurka Jamhuuriyadda Dimoq-
raadiga Soomaaliya;

ISAGOO ARKAY: Go'aankii kalfadhigii 3aad ee Gol-
laha Dhexe XHKS, Qodobkiisii ku saabsanaa dhis-
maha Ururada Bulshada,

ISAGOO ARKAY: Xeerarka iyo Barnaamijyada Urur-
rada Bulshada Soomaaliyeed.

ISAGOO TIXGELINEYA: Soo jeedintii Guddiga
Qaabka iyo meeleynta ee Xisbiga Hantiwadaagga
Kacaanka Soomaaliyeed iyo taladii Hoggaamada
iyo Guddiyada Gollaha Dhexe XHKS,

WUXUU SOO SAARAY.

SHARCIGAN SOO SOCDA:

QODOBKAA 1AAD.

Marka laga billaabo 1, 7, 80, Gunnooyinka lagu qaa-
danayó Jagcooyinka kala duwan ee Hawlwadeennada
Xisbiga iyo Ururada Bulshada; waxay noqon doonaan
sida hoos ku qoran:

XARUNTA DHEXE XISBIGA

	JAGADA	G/Xil	G/Guri	Isugeyn
1)	Madax Hoggaan	700.00	400.00	1100.00
2)	Madax Waax	550.00	300.00	850.00
3)	Wakiil Xisbi Wasaarad	550.00	300.00	850.00
4)	Wakiil Xisbi Wakaalad	400.00	150.00	550.00
5)	Madax Qayb	400.00	150.00	550.00
6	H. Wadeen X. dh. XHKS	150.00	—	150.00

GOBOLLADA

1)	Xoghave Xisbi Gobol	1.000.00	400.00	1400.00
2)	K/laad G/Banaadir	1.000.00	400.00	1400.00
3)	Madax waax G/Banaadir	550.00	300.00	850.00
4)	K/laad ee Gobol	550.00	300.00	850.00
5)	Xoghave Xisbi Degmo	650.00	300.00	950.00
6)	Madax Qayb G/Banaadir	400.00	150.00	550.00
7)	K/laad ee Degmo	400.00	150.00	550.00
8)	H/Wadeen Gobol/Degmo	150.00	—	150.00

URURADA BULSHADA

1)	Guddoomiye Urur Bulsho ee Heer Qaran	1.500.00	500.00	2000.00
2)	Guddoomiye ku xigeen laad ee U. Bulsho H. Qar.	700.00	400.00	1100.00

3)	Guddoomiye ku-xigeen 2aad ee U. Bulsho H. Qar.	700.00	400.00	1100.00
4)	Guddoomiye Guddi Kormeer iyo Baaris H. Qaran	700.00	400.00	1100.00
5)	Xoghaye Waax U. B. H. Qaran	550.00	300.00	850.00
6)	Gudd. K/Xigeen Guddi Kormeer iyo Baaris H. Qar.	400.00	150.00	550.00
7)	Xubin Guddi Kormeer iyo Baaris heer Qaran	300.00	—	300.00
8)	Kaaliye Xoghaye Waax ee heer Qaran	300.00	—	300.00
9)	Guddoomiye 7da Urur Shaqaale Heer Qaran	450.00	—	450.00
10)	Xoghaye 7da Urur Shaqaale Heer Qaran	200.00	—	200.00
11)	Madax Qayb ee Urur Bulsho Heer Qaran	200.00	—	200.00
12)	Guddoomiye Urur Bulsho ee Heer Gobol	450.00	—	450.00
13)	H/Wadeen Urur Bulsho	100.00	—	100.00

QODOBKA 2AAD.

Marka Hawlwadeen Xisbi xil loo dhiibayo waxaa la tixgelindoona shuuruuudaha soo socda:

- 1) MADAX WAAX, WAKIIL XISBI EE WASAA-RADEED IYO XOGHAYE GOBOL.
- B) Tababar siyaasadeed ilaa 6 Bilood ugu yaraan;

- T) Shahaado Jaamici iyo 2 sano oo khibrad shaqo ah yo 1 sano oo khibrad siyaasadeed ugu yaraan;

AMA

- J) Dugsi Sare oo ay la socoto 3 sannadood oo khibrad shaqo iyo 2 sano oo khibrad siyaasadeed ah, tababar siyaasadeed ilaa 6 Bilood ah ugu yaraan;

AMA

- X) Dugsi Dhexe iyo wax la mid ah oo la socoto khibrad shaqo oo dheer iyo darajo A ama B iyo mas'uuliyyad uu qabtay muujiyey karti iyo 2 sano oo khibrad siyaasi ah, tababar siyaasadeed ilaa 6 Bilood ah ugu yaraan;

- 2) MADAX QAYB, KAALIYE 1AAD EE GOBOL, XOGHAYE DEGMO, WAKIIL XISBI EE WAKAALADEED, SHIRKAD IYO KAALIYE 1AAD EE DEGMO.

- B) Jaamici aan waxba lagu xirin iyo 6 Bilood oo tababar Siyaasadeed ugu yaraan;

- T) Dugsi Sare oo ay la jirto 2 sano oo khibrad shaqo ah iyo 1 sano oo khibrad siyaasadeed, 6 Bilood oo tababar siyaasadeed ah ugu yaraan

- J) Dugsi Dhexe oo la socoto 4 sanno oo khibrad shaqo ah iyo 2 sano oo khibrad siyaasadeed ah iyo waayo aragnimo, 6 Bilood oo tababar siyaa sadeed ah ugu yaraan;

- 3) HAWLWADEEN.

- B) Shahaado Jaamici, Dugsi Sare iyo dugsi dhexe iyo 6 Bilood oo tababar siyaasadeed ah ugu yaraan;

QODOBKA 3AAD

In Hawlwadeennada Xisbiga lagu dhaqo sharciga shaqaalaha Dawladda iyo kan Ciidamma Qatayka Sida hadba midkii uu ka tirsan yahay xagga meeleynta, deejoojinka, mushahaarooyinka, Dallacaadda iyo xaq-siinta IWM.

QODOBKA 4AAD.

- B) Bixinta Gunnooyinkaas waxay ku xiran yihiin ilaha dhaqaale iyo awoodda iyo deeq Xisbigu siiyo inta ay isku-filaansho gaarayaan;
- T) Ururka Dhallinyara Kacaanka Soomaaliyeed maadaama dabeecad ahaan sameysan karin ilo dhaqaale, waxaa ugu deeqa. Xisbiga XHKS.

QODOBKA 5AAD

Guddoomiyayaasha Ururrada Bulshada ee Heer Qaran, ma qaadanayaan mushahaar, waxay leeyihii'n gunnada ku xusan Qodobka 1aad ee Xeerkana.

QODOBKA 6AAD.

Xeerkii lamb. 7 ee 25, 9. 1979, Gunnada Ururrada Bulshada waxaa beddelay Xeerkana.

QODOBKA 7AAD.

Sharcigan wuxuu dhaqangelayaa marka uu saxiixo Xoghayaha Guud ee XHKS, ahna Madaxweynaha JDS.

Muqdisho, 4 Diseember 1980

MADAXWEYNAHA J D S

(S/Gaas Maxamed Siyaad Barre)

QAYBTA

LABAAD

XEER

XEER MADAXWEYNAHA JDS, L. 1 ee 1 Nofeember 1980 Magacaabid Guddoomiye ku xigeen MBD, Jaalle G/Sare Maxamed Dhaqane.

MARKUU ARKAY : Qodobka 82aad ee Dastuurka;

MARKUU ARKAY : Sharciga lambar 3 ee 10ka Jannaayo 1970 iyo beddelaaddii ka dambeysay (Sharciga dhismaha Maxkamadda Badbaadada Dalka);

MARKUU TIXGELIYEY : In Jaalle Maxamed Xaaji Yuusuf oo ahaan Guddoomiye ku xigeen Maxkamadda Badbaadada Dalka xil kaic lagu magacaabay, jagadii uu hayayna ay bannaan tahay;

MARKUU ARKA :: In ay lagama maarmaan tahay in jagadaas la buuxiyo;

ISAGOO DHEGEYSTAY : Soo jeedinta Guddoomiyyaha Maxkamadda Badbaadada Dalka;

WUXUU SOO SAARAYAA

Xeerka soo socda :

QODOBKA 1AAD

Gaashaanle Sare Maxamed Dhaqane idle waxaa lagu magacaabay Guddoomiye ku xigeen Maxkamadda Badbaadada Dalka.

QODOBKA 2AAD

Guddoomiye ku xigeenku wuxuu yeelanayaan guunooyin u dhigma kuwa Guddoomiye ku xigeenka Maxkamadda Sare.

QODOBKA 3AAD

Xeerkan wuxuu dhaqan gelayaa marka uu saxiixo Madaxweynaha JDS waxaana lagu soo saarayaa Fafinta Rasmiga ah ee Jamhuuriyadda

Muqdisho, 1 Nofeember 1980

MADAXWEYNAHA J. D. S.
(S/Gaas Maxamed Siyaad Barre)

Waan aragnay ee Diiwaangelinay
Diiwaanka lamb. 7. bog. lamb. 65
Muqdisho, 10 Nofeembar 1980,
Hantidhowraha Guud KMG,
Yuusuf Cali Nuur

XEER MADAXWEYNAHA JDS, L. 2 ee 3 Disseember 1980, Oggolaansho Heshiis Abuuraaya Ururka Barbeed ee Macaadinta.

MADAXWEYNAHA JDS

ISAGOO ARKAY : Qodobka 82aad, Xubintiisa 14aad ee Dastuurka J. D. S.

ISAGOO ARKAY : Go'aankii Golaha Wasiirada ee 13. 11. 1980.

WUXUU SOO SAARAYAA

Xeerka soo socda :

QODOBKA 1AAD

Waxaa la Oggolaaday Heshiiska Abuuraya Ururka Carbeed ee Macdanta.

QODOBKA 2AAD

Xeerkani wuxuu dhaqan geli doonaa marka uu Saixio Madaxweynaha Jamhuuriyadda Dimugraadiga Soomaaliya, waxaana lagu soo saari doonaa Faafinta Rasmiga ah ee Dawladda.

Muqdisho, 3 Disseember 1980

MADAXWEYNAHA J. D. S.
(S/Gaas Maxamed Siyaad Barre)

XEER WASAARADDA H, GUUD, L. 3 ee 28 Luul. 1980.

Cad dhul Dawladeed ah oo ku yaal Degmada Waa-
beri, oo loo hibeeeyey Jaaleyaasha Asha Cali Warsame
iyo Faaduma Cali Warsame kuna fadhiya mq. 288.

WASAARADDA HAWLAHA GUUD
WAAXDA SAH. IYO DEGAANKA MAG.

ISAGOO ARKAY: Dastuurka Jamhuuriyadda Dimoq-
raadiiga Soomaaliya;

ISAGOO ARKAY: Sharciga Lamb. 41 soona baxday
13kii Seteembre 1973 oo ku saabsan oggolaanshaha
dhulka dhismaha;

ISAGOO ARKAY: Xeer Lamb. 115 soona baxay 13 Sc-
tembre 1956 oo la xiriira qimaha dhul bixinta;

ISAGOO ARKAY: Xeer Lamb. 144 soona baxday 23kii
Maajo 1961, oo la xiriira qimaha dhul bixinta;

ISAGOO ARKAY: Xeer Dawladda Lamb. 145 Rep-
taariikh. maray ahayd 14 Agoosto 1975, laguna qo-
ray Faafinta Racmiga ah ee J. D. S. L. 10 ee 1 Ok-
tober 1975 taas oo lagu siiyey (Dekereto Libera
disponibilita') Jaalle Timiro Maxamed Cali cad dhul
ah ujeeddadiisu tahay dhis kuna fadhiya mq. 672/
kuna yaal Muqdisho, Degmada Waaberi;

ISAGOO ARKAY: Warqadda Xafiiska Garyaqanka
Guud ee Dawladda Sum. tahay XGGD/0130/80 ee
26,2,80 waxaa caddeynyeysa in J/le Timiro Maxamed
Cali ay qayb ka mid ah dhismaha dhulka ku waree-
jisay milkiyadiisa labo gabdhood oo ay dhashay in-
ta aan Sharci milkinimaddaas lagu wareejinin
(Libera Disponibilita');

ISAGOO ARKAY: Qoraal (Atto) Lamb. 7117 Rep. taa-
riikh. 21, 8, 72, lagu diiwaan geliyey Xamar 14,9,72
al n. 636 Atti Pubblici Vol. 20/ oo ah caddeynta No-

taayaha Dr. Xasan Warsame Cali taas oo Timira Maxamed Cali u hibeysay kuna wareejisay Asha Cali Warsame iyo Faaduma Cali Warsame wax allaale wixii xuquuq ah oo ku saabsan cad dhul dhismahii ku yaalay cadka dhulka ah oo kufadhiya mq. 288/ kuna yaal Muqdisho, Degmada Wadajir;

ISAGOO TIXGELIYHEY: In wax allaale wixii Xeer ahaa oo ku saabsan siismaha iyo gacan u gelinta dhulka Dawladeed (Dekereeto Libera disponibilita') oo ay ujeeddadiisu ahayd dhis, wuxuu soo saarayaa

X E E R

Waxaa dhul Dawladeed la siiyey, gacantana loo geliyey, loona aqoonsaday Asha Cali Warsame iyo Faaduma Cali Warsame dhul ku fadhiya mq. 288/ kuna yaal Muqdisho, Degmada Wadajir
Muqdisho, 28 Lug. 1980

WASIIRKA

WASAARADDA HAWLAHA GUUD

S/Guuto Maxamuud Nuur Galaal

Waan Aragnay ee Diiwaangelinay
Diiwaanka Lamb. 1 Bogga Lamb. 26.
Muqdisho, 4 Ago, 1980.
Yuusuf Cali Nuur.

XEER WASAARADDA H. GUUD, L. 4 ee

19 Maar. 1980,

Sii smo dhul dawladeed, la siiyey MASJIDKA SHEEKH CABDULQAADIR kuna yaal Muqdisho Degmada Xamar-Weyn — kuna fadhiya mq 1.3000.

WASAARADDA HAWLAHA GUUD

WAAXDA SAHANKA IYO DEGAANKA MAG.

ISAGOO ARKAY : Dastuurka Jamhuuriyadda Dimoq-raadiga Soomaaliya;

ISAGOO ARKAY : Sharciga lamb. yihiin 17, 18, 19 ee 1da Luuliyo wareegay Xisbiga Hantiwadaagga Ka-caanka Soomaaliyeed;

ISAGOO ARKAY : Xeerka Sharciga dhulka lamb. 41 soona baxay 13kii Setember 1973;

ISAGOO ARKAY : Xeer Lamb. 6 soona baxday 9 Jenuuayo 1967 oo la xiriira qimaha dhul bixinta;

ISAGOO ARKAY : Xeer Dawladeed lamb. 197 Rep. taariikhdeeduna aheyd D. M. 31 Luuliyo 1963, laguna qoray Faafinta Rasmiga ah ee J. D. S. lamb. 9 e 1 Seteember 1963 dhul la'eg mq. 2.700 oo u ahaa (VINCOLATO) loogu xayiray dan guud awgeed Masjidka «SHEEKH CABDULQAADIR» waxaa la siindoonaan Dadweynaha meesha deggan;

ISAGOO ARKAY : Warqadda lamb yahay XGS/III/81 taariikhdeeduna ahayd 18. 8. 1979 ee ay soo qortay MADAXTOOYADA Xoghaynta Guddiga Siyaasad-da oo ay ku weydiisaneyso in la baaro dhulka Masjidka «SHEEKH CABDULQAADIR» laguna waafijiyo Sharci;

ISAGOO ARKAY : Warqadda L. yahay JDS/XH/E/5 1358 — 1/80 taariikhdeeduna ahayd 18.2. 1980 ee ay soo qortay MADAXTOOYADA — Xoghaynta Madaxweynaha oo ay ku weydiisaneyso in loo og-golaado cad dhulka mid ah oo u dhow Masjidka Sheekh Cabdulqaadir;

ISAGOO ARKAY: Warqadda Hubsimada dhulka soo sameeyeen Sheekh Abuukar Maxamed Sheekh iyo Maxamed Maye Xaaji kana tirsan W. H. G. Waaxda Sahanka iyo Degaanka Magaaleynta taariikhdeeduna tahay 4 Maarsa 1980, waxaa la caddeynayaa in la siiyey «MASJIDKA dhul dhan mq. 1.300.

WUXUU XEERAYAA

Waxaa la caddeynayaa in la siiyey MASJIDKA «SHEEKH CABDULQAADIR dhul Dawladeed oo cabirkiisuna yahay mq. 1.300

SOOHDIMIHIISUNA YIHIIN

Waqooyi waxaa ka xiga Wadada Kolombiya

Koonfur waxaa ka xiga : WADDO

Galbeed waxaa ka xiga : Waddo yar

B A R I waxaa ka xiga : WADDO

Waxaa laga saaray xayiraadii (VINCOLO) uu xayirnaa MASJIDKA, dhul ku fadhiya mq. 2.700 iyadoo loo qaybindoono Dadweynaha meesha deggan.

Xeerkana waxa lagu soo soori doonaa Faafinta Rasmiga ah ee J. D. S.

Muqdisho, 19. Maarsa 1980

WASIIRKA WASAARADDA HAWLAHA GUUD

S/GUUTO MAXAMUUD NUUR GALAAL

WAAN ARAGNAY EE DIIWAANGELINNAY

Diiwaanka lamb. 1 bogga lamb. 10

Muqdisho, 29 Maarsa 1980

Hantidhawraha Guud KMG

Yuusuf Cali Nuur

XEER WASAARADDA GANACSIGA L. 5 ee 8 Diseember 1980 Dib u habeynta Sicirka Dharka Warshadda Dharka soo saarto

WASIIRKA WASAARADDA GANACSIGA

ASAGOO ARKAY : Qodobka 113aad ee Dastuurka JDS

ASAGOO ARKAY : Sharciga Lamb. yahay 316 ee Maamulka Dhexe ee Dawladda soona baxay 17. 12. 1962;

ASAGOO ARKAY : Sharciga Lamb. yahay 17 ee soo baxay 21. 4. 1974, kuna saabsanaa ilaalintaascaarta waxyaabaha lagama maarmaan ah;

ASAGOO TIXGELIYEEY : Taladii Wasiirada Warshada iyo Maaliyadda ee uu la shirey 6. 12. 1980;

ASAGOO U MUUQATAY : Baahida loo qabo kordhinta sicirka dharka ay soo saarto Warshadda Dharta ee Balcad;

WUXUU SOO SAARAYAA

Wuxuu soo saarayaa Xeerkana dib u habaynta sicirka dharka Warshadda Dharka ee Balcad oo Qodobadiisa hoos ku qoran yihiin:

QODOBKA 1AAD

Sicirka Warshadda, Wakaaladda iyo Ganacsatada ku iibinayaan dharka Warshadda:

Nooca Dharka Warshaddu	Wakaaladdu	Ganacsatadu
Warshadda	ku iibinayso	ku iibinayso

A. Grey Cloth

02X86 cm	Sh. So.	6.71	Sh. So.	7.49	Sh. So.	8.06
----------	---------	------	---------	------	---------	------

03X128 cm	Sh. So.	8.40	Sh. So.	9.37	Sh. So.	10.08
-----------	---------	------	---------	------	---------	-------

B. Bleached Cloth

02X76 cm	Sh. So.	6.85	Sh. So.	7.65	Sh. So.	8.23
015X94 cm	Sh. So.	7.70	Sh. So.	8.58	Sh. So.	9.22
03X120 cm	Sh. So.	8.93	Sh. So.	9.95	Sh. So.	10.70

C. Dyed Cloth

02X74 cm	Sh. So.	8.09	Sh. So.	9.02	Sh. So.	9.71
015X90 cm	Sh. So.	9.14	Sh. So.	10.19	Sh. So.	10.96
03X116 cm	Sh. So.	10.83	Sh. So.	12.07	Sh. So.	12.99
D. prin. Cloth	Sh. So.	9.55	Sh. So.	10.64	Sh. So.	11.44
E. Multicolour	Sh. So.	7.95	Sh. So.	8.85	Sh. So.	9.51

F. Knitting

Bleached	Sh. So.	6.85	Sh. So.	7.64	Sh. So.	9.22	
Knitting	Dyed	Sh. So.	8.09	Sh. So.	9.02	Sh. So.	9.71

QODOBKA 2AAD

Xeerkan wuxuu beddelayaa Xeerarkii ka horeeyey ee la xiriiray Ascaarta dharka Warshadda soo saarta, wuxuu dhaqan gelayaan laga bilaabo maanta oo bisha Disember ay tahay 8da 1980

WASIIRKA WASAARADDA GANACSIGA
J/le Axmed Maxamed Maxamuud

— MAXKAMADDA GOBOLKA BAADIR —

GUUDDOOMIYAH A MAXKAMADDA G. BANAADIR

HADDUU ARKAY : Dacwadda kor ku qoran;

HADDUU HUBIYEY : In Jeegga dhumay oo lambar-
kiisu ahaa ahaa 503840 lagana soo saaray Bankiga
Ganacsiga iyo Keydka Soomaaliyeed. Laanta Kis-
maayo kuna qornayd iacag dhan Sh So. 9.000/= uu
iska lahaa Cabduraxmaan Cabduillaahi Xaashi sida
ku cad warqadda lamb — X — taariikh 22.11.80
oo Bankiga Ganacsiga iyo Keydka Soomaaliyeed
Laanta Dhexe;

WUXUU XEERIYEY

la baabi'yo (ammortamento) Jeegga lamb. 503840
oo ku qoran Magaca Cabduraxmaan Cabduillaahi ayna
ku jirto Sh. So. 9.000/=

WUXUU FASAXAY

In Bankiga Ganacsiga iyo Keydka laanta Dhexe u
bedelo Jeegga Wareega ee kor ku tilmaaman una sa-
meyyo mid la mid ah ka dib markay ka soo wareegto
muddo aan ka yarayn 15 maal mood maalinta Go'aanka-
lagu daabaco faafinta rasmiga ah ee Jamhuuriyadda
Dimoqraadiga Soomaaliyeed, haddii inta ka horreysa
aan wax ishortaag ah laga keenin.

Muqdisho, 15.12.80

GUUDDOOMIYAH A MAXKAMADDA G. BANAADIR

— Dr.Cali Xaaji Nuur Shimbiri —

— MAXKAMADDA GOBOLKA BAADIR —

GUUDDOOMIYAH A MAXKAMADDA G. BANAADIR

HADDUU ARKAY : Dacwadda kor ku qoran;

HADDUU HUBIYEY : In Jeegga dhumay oo lambar-
kiisu ahaa 242212 lagana soo saaray Bankiga Ga-
nacsiga iyo Keydka Soomaaliyeed, Laanta Dhexe
kuna qornayd lacag dhan Sh So. 43.355/= uu iska
lahaa Wakaaladda Ganacsiga Ummadda sida ku
cad warqadda lamb. 012226 taariikh 9.12.80 oo Ban-
kiga Ganacsiga iyo Keydka Soomaaliyeed Laanta
Dhexe.

W U X U U X E E R I Y E Y

In la baabi'yo (ammortamento) Jeegga lamb.242-
212 oo ku qoran Magaca Wak. Ganac. Ummadda ayna
ku jirto Sh.So. 43.355/=

W U X U U F A S A X A Y

In Bankiga Ganacsiga iyo Keydka laanta Dhexe u
beddelo Axmed Xuseen Yuusuf Buugga Keydka ee kor
ku tilmaaman una sameyso mid la mid ah ka dib mar-
kay ka soo wareegto muddo aan ka yarayn 15 maal-
mood maalinta Go'aanka lagu daabaco faafinta rasmi-
ga ah ee Jamhuuriyadda Dimeqraadiga Soomaaliyeed,
haddii inta ka horreysa aan wax ishortaag ah laga kee-
nin.

Muqdisho, 9.12.80

GUUDDOOMIYAH A MAXKAMADDA G. BANAADIR
— Dr.Cali Xaaji Nuur Shimbiri —

— MAXKAMADDA GOBOLKA BAADIR —

GUUDDOOMIYAH A MAXKAMADDA G. BANAADIR

HADDUU ARKAY : Dacwadda kor ku qoran;

HADDUU HUBIYEY : Buug Keyd dhumay oo lamb. arkiisu ahaa 9895 lagana soo saaray Bankiga Ganacsiga iyo Keydka Soomaalyeed, Laanta Xaruunta kuna qornayd lacag dhan Sh.So. 4.447/= uu iska lahaa Maxamed Aadan Mayle sida ku cad warqadda lam. 03511 taariikh 20.10.80 oo Bankiga Ganacsiga iyo Keydka Soomaaliyeed Laanta Xaruunta

HADDUU ARKAY : Qod. 69 sharciga lamb. 2.9.9. 65.-

W U X U U X E E R I Y E Y

In la baabi'yo (ammortamento) Buugga Keydka lam. 9895 oo ku qoran Magaca Maxamed Aadan Mayle ayna ku jirto Sh.So. 4.447,00

W U X U U F A S A X A Y

In Bankiga Ganacsiga iyo Keydka Laanta Xaruunta u beddelo Maxamed Aadan Mayle Buugga Keydka ee kor ku tilmaaman u sameyso mid la mid ah ka dib markay ka soo wareegto muddo aan ka yarayn 30/= maalmood maalinta Go'aanka lagu daabaco faafinta rasmiiga ah ee Jam. Dim. Soomaaliyeed, haddii inta ka horeyan wax ishortaag ah laga keenin.

Muqdisho, 29.11.80

GUUDDOOMIYAH A MAXKAMADDA G. BANAADIR
— Dr.Cali Xaaaji Nuur Shimbiri —

— MAXKAMADDA GOBOLKA BAADIR —

GUUDDOOMIYAH A MAXKAMADDA G. BANAADIR

HADDUU ARKAY : Dacwadda kor ku qoran;

HADDUU HUBIYEY : In Buug Keyd dhumay oo lambarkisu ahaa 15.191 Lagana soo saaray Bankiga Ganacsiga iyo Keydka Soomaaliyeed, Laanta Xaruunta kuna qornayd lacag dhan Sh. So. 12885/= ay iska lahayd Sahra Munye Qaasim sida ku cad warqadda lam. _____ taariikh 22.11.80 oo Bankiga Ganacsiga iyo Keydka Soomaaliyeed Laanta Xaruunta.

HADDUU ARKAY : Qod. 69 sharciga lam. 2.9.9.65.

W U X U U X E E R I Y E Y

In la baabi'iyo (ammortamento) Buug Keyd lam: 15.191. oo ku qoran Magaca Sahra Muunye Qaasim ay-na ku jirto Sh.So. 12.885/=

W U X U U F A S A X A Y

kor ku tilmaaman una sameyso mid la mid ah ka dib markay ka soo wareegto muddo aan ka yarayn 30 maalmood maalinta Go'aanka lagu daabaco faafinta rasmiga ah ee Jam. Dim. Soomaaliyeed, haddii inta ka horeysa aan wax ishortaag ah laga keenin:

Muqdisho. 25.11.80

GUUDDOOMIYAH A MAXKAMADDA G. BANAADIR
— Dr.Cali Xaaji Nuur Shirnbiri —

(MAXKAMADDA GOBOLKA J.HOOSE)

UJEEDDO:GO'AAN MAXKAMADEED

GUUDOOMIYAH A MAX. G. J. HOOSE DR.CUMAR YUUSUF FAARAX.

HADDUU ARKAY : Dalabka uu soo qortay Xaaji Xuseen Cumar, kuna weydiisanaya in loo cusbooney-siiyo Jeegga Wareega ce lamb. yahay 178680, ay ku qoran tahay Sh.So. 1200/= (kun iyo laba boqol shillin) oo ka dhumay lagana sameeyey Bankiga Ganacsiga iyo Keydka Laanta Kismaayo

HADDU ARKAY : Qod. 69 Xeer L. 2 ee 9.9.1965.

W U X U U A M R A Y A A

Guddoomiyaha Maxkamadda G. J.Hoose in loo soo Cusbooneysiyo Jeeggaas lambarkiisa aan kor ku soo In Bankiga Ganacsiga iyo Keydka laanta Xaruunta sheegnay iyo Lacagta ku qoranba muddo dhan 15(shan iyo tobantasho) Gudaheed.

Waxaa ka loo la amrayaa in Farta laga saaro Jeega markii la soo cusbooneysiyo Nink ala yiraahdo Xaaji Xuseen Cumar, oo deggan Kismaayo ahna Makaayadle ama Qof isaga warqad ka haysto.

Kismaayo, 13.11.80

GUDDOOMIYAH A

MAXKAMADDA GOBOLKA J.HOOSE

Dr.Cumar Yuusuf Faarax

MAXKAMADDA GOBOLKA SH/HOOSE MARKA

UJEEDDO: SAMEYN DEKREETO DI AMORTAMENT:
Gud/yaha Max. G/Sh/Hoose: DrAxmed Sheekh Nuur

HADDUU ARKAY : Codsiga weydiisashada ee uu soo
Qoray J/le Cabdi Axmed Maxamed ee taariikh 21.12
.80 kana cadsaday in loo sameeyo Buug Keyd Cu-
sub ka dib markii uu ka lumay;

HADDUU ARKAY : waxay ku saabsan tahay iyo
Ogeysiiska Bankiga Ganacsiga Laanta Afgooye ee
taariikh 18.12.80, ogeysiiska oo sheegay lumid Buub
Keydka lam.2355 kuna qoran Cabdi Axmed Maxa-
med Sh.So. 1.934/=

HADDUU ARKAY : Qod. 69 D.L. 9.9.65 M.2 lumid

Buugga Keydka lamb.yahay L.2355 kuna qoran ta-
hay 1.934/= Shilin Soomaali ee Bankiga Ganacsi-
ga Laanta Afgooye.

WUXUU AMRAYAA

In loo Cusbooneysiyo Buugga Keydka lana dilo kii
hore kaddib markii ay ka soo wareegto 15 maalmood
maalinta Dekreetada lagu shaaciyo Faafinta Rasmiga
ah ee Dawladda.

WAXAA LA CODSNAYAA

In Buug cusub ee la sameyn doono gacanta laga
saaro Jaalle Cabdi Axmed Maxamed ama Cid ka sidata
Wakaalo Sharci ah ayadoo la sugayo muddada 15ka
maalmood ee aan kor ku soo sheegnay.

Marka, 21.12.80

GUDDOOMIYAH MAXKAMADDA SH. HOOSE
DR. AXMED SHEEKH CALI

SHIRKADDA ALLAMAGANS

MUQDISHO

O G E Y S I I S

ISU YEERID SHIR CAADI AH IYO MID AAN CAADI
AHAYN:

Waxaa Saamileyda «Shirkadda Ganacsiga Guud Allamagans» la wada Ogeysiinayaa in maalinta 14ka ee Bisha Febraayo 1981kii, Saacaddu markay tahay 4,30 Gelinka dambe inay isugu yimaadaan Xaruunta Shirkadda ee ku taal Degmada Hawl-Wadaag, Waddada Kacaanka ee Muqdisho.

UJEEDDADA YEERIDAASI WAA INTA SOO SOCOTA:

- 1) Wax ka beddelid Shareiga Dhismaha iyo Xeerkka Shirkadda;
- 2) Kordhintaa Raasumaalka Shirkadda;
- 3) Cusbooneysiinta Guddiga Maamulka Sare;
- 4) Cusboneynta Guddiga Xisaab Baarista;
- 5) Wixii kale oo la soo jeediyo.

Haddii Fadhigaas ansaxmi waayo waxaa dib loo dhigayaa maalinta 22ka ee Bisha Febraayo 1981kii isla Saacaddaasi iyo isla meesha kor lagu soo sheegay.

MAAMULAHA IDMAN

(Maxamed Maxamuud Axmed «Khaawi»)

GUDDOOMIYAH MAXKAMADDA G. BANAADIR

HADDUU ARKAY : Dacwadda kor ku koran;

HADDUU ARKAY : In Buugga Keyka dhumay oo lambarkisu ahay 744 lagana soo saaray Bankiga Ganacsiga iyo Keydka Soomaaliyeed, Laanta 4aad kuna qornayd lacag dhan Sh.So. 8.057,00 uu iska la-haa Caamir Maxamed Jimcaale sida ku cad war-qadda lamb. 307, taariikh 23.12.80 oo Bankiga Ganacsiga iyo Keydka Soomaaliyeed Laanta 4aad.

HADDU ARKAY: Qod. 69 sharciga lam. 2 ee 9.9.65.

WUXUU XEERIYHEY

In la baabi'yo (ammortamento) Buug Keyd lamb. 744 oo ku qoran Magaca Caamir Maxamed Jimcaale ayna ku jirto Sh So. 8.057,00.

WUXUU FASAXAY

In Bankiga Ganacsiga iyo Keydka laanta 4aad u bedelo Caamir Maxamed Jimcaale Buugga Keydka ee kor ku tilmaaman una sameyso mid la mid ah ka dib markay ka soo wareegto muddo aan ka yarayn 30 maal-miid maalinta Go'aanka lagu daabaco Faafinta Rasmiga ah ee JDS, haddii inta ka horreysa aan wax ishortaag ah laga keenin.

Muqdisho, 25.12.80.

GUDDOOMIYAH MAXKAMADDA G. BANAADIR

Dr. Cali Xaaji Nuur Shimbireri